



Zwengalsetn

Rundbrief für Kinda

Nr. 5 ■ Oktober 2022



Da Herbst is do

Dracha steign lassn. A bäriga Eifoi füm Herbst.



Wenn de dünna Zweigerl am Baam leicht schaukeln, dann gäht da Wind genau richtig um Dracha steign z'lassn.

De Sonnabluma und de Maisfoida san droschn und no ned wieda frisch eigsaat. De Wiesn san vorm Winta dees letzte Moi gmaht wordn. Jetzt is Herbst. Drachzeit!

De erstn Dracha hods vor üba 2.500 Jahr in China gebn. Do hod ma Pläne davo gfundn. De warn doomois aus Bambusrohre und aus Seide.

In de asiatischn Lända san Dracha Glücksbringa.

Bunt sans und schee sans und in de farbenfrohe Herbstzeit passens guad.

Regeln fias Dracha steign lassn:

1. Abstand hoitn zu Hochspannungsleitunga, Autobahnen, Straßn, Flughäfen, Bahnlinien und Baam.
2. An Erwachsana mitnehma, der hoifa ko, wens erforderli is.
3. Nia bei Gwitter oder starkm Wind Dracha steign lassn.
4. Handschuah mitnehma, damit ma de Schnur gscheid festhoitn ko.
5. Nur auf Fläch'n steign lassn, de obgmaht, obgarnt und no ned wieda ogsaat san.

Und so gähts:



Zu zwoat is oafacha. Oana hoit de Schnur, oana den Dracha.

Der mitm Dracha gäht so lang mitm Wind bis de Schnur beim Andern gspannt is.

Dann hoit ma den Dracha so in Wind, wiara spaada fliegn soi und gibt eam an ordentlichn Schubs Richtung Himme nauf.

Da Wind nimmt an Dracha mit und scho fliegt a.

Wenn a dann an da Schnur ziahgt, dann gebts eam oafach langsam oiwei mehra Schnur dazua, damit er imma heher steign ko!



Wennts an Dracha soiba
baun woits, na findts do
a guade Anleitung:

[www.geo.de/geolino/
basteln/19411-rtkl-
drachen-basteln-so-
bastelt-ihr-einen-
papierdrachen](http://www.geo.de/geolino/basteln/19411-rtkl-drachen-basteln-so-bastelt-ihr-einen-papierdrachen)



Vui Spaß und an scheena Herbst wünschn Eich:
Da Leo Löwe und da Schnuffi Mankei

Herausgeber und Verleger:

Förderverein Bairische Sprache und Dialekte e.V.
Brunnenwiesenweg 36, 85250 Altomünster
Telefon: 08254 – 8665
E-Mail: fbsd@fbsd.de
Internet: www.fbsd.de

Bild, Grafik und Text:

Birgit Hackl, Baldham
Claudia Geisweid, Altomünster
Siegfried Bradl, Altomünster

Quellen:

- ♦ [www.familien-welt.de/freizeittipps/
ausflugstipps/3229-drachen-steigen-lassen-
riesenspass-mit-regeln](http://www.familien-welt.de/freizeittipps/ausflugstipps/3229-drachen-steigen-lassen-riesenspass-mit-regeln)
- ♦ [www.leben-und-erziehen.de/kind/spielen/
drachen-steigen-lassen-980420.html](http://www.leben-und-erziehen.de/kind/spielen/drachen-steigen-lassen-980420.html)